

民國文獻資料叢編

民國時期
佛教資料
彙編

田
奇
選
編

國家圖書館出版社



田奇 選編

民國時期佛教資料匯編

第六冊

國家圖書館出版社

第六冊目錄

張克誠先生遺署

..... 一

神會和尚遺集

..... 三七三

張克誠 著

張克誠先生遺著

民國十一年(1922)鉛印本

張克誠先生遺著

莊蕓寬題

張克誠先生遺著總目錄

遺像

像贊

張克誠先生傳

成唯識論提要十卷

第九卷下半
及第十卷缺

百法明門論淺說一卷

印度哲學二卷

心經淺說一卷

跋尾

張克誠先生遺著

總目錄

二

張克誠先生遺像
敬題



張克誠居士像贊

殷仁敬題

久念眾生苦欲拔無由脫今者證菩提
豁然無所有此意氏偈居士以之推人既往
如何弗思脩唯識執宏念佛言乘願再來
有緣歡喜性相圓融紹隆佛種自他俱覺
精進猛勇歸真殉道末法安仰遺像莊嚴
千秋供養

張克誠先生傳

蔣維喬

先生諱炳楨，字克誠，四川廣漢張氏，淨如居士，晚所自號也。幼敏而質直，年十二畢六經，弱冠補縣學生員，旋食廩餼，屢應鄉試不售，乃退而學易，以自消息，嘗默觀當世之變，古所未聞，應赴之者宜發新機，因排衆議，於邑中先後籌設小學十餘所，且爲貧民拓實業，謀生計，迨其効既著，人於是嘆其勞而多其先識。以清光緒三十四年東游江漢，遂至京師，時俄蒙交涉日迫，國家始開殖邊高等學堂以求才，先生以四十之年，慨然就習俄蒙文字，越數載，以最優等畢業。及民國成立，從宣撫使姚公錫光赴蒙古，參機密，後任大同執法處長，日理刑決，忽念此事非所應爲，遂棄官，偶讀楞嚴，乃深生感悟，尋返京師，居廣濟寺半載，未嘗謁見顯要，益究楞嚴唯識之旨，一几一盂，蕭然自得。時有大德清一老人，適止寺中，深相愛重，嘆爲清淨居士，大有根器人也。所居寺歲久彫蕪，金像剝蝕，先生隨化有緣，權宜修

菴每自謂平時用力尙未精純，欲以福業爲助，以民國三年與同志沙門居士立念佛會，是後凡蓮社講席，並傾心挹德，贊助成功，遠近叢林，聞風而起，相率勵志熏脩，莊嚴宮宇，於今佛法崇重，先生之力爲多也。且京師諸刹，自百年來，式微已甚，先生兢兢以興復舊觀爲急，凡數稔，德風所被，慧日重光，京師法化傳通之盛，由是復覩夫冥運之來，感時而動，豈叩之者必待其人耶？歲餘，清老棄世，於是移居鷲峯寺，住持昌雲，清老之法孫也。寺已故朽，乃一意脩復，曲折經營，所得束脩，并盡施捨，精誠篤勵，數年無改，以十一年一月二十四日，（陰歷十二月二十七日）感微疾坐化於寺舍，春秋五十有八，頂暖經日，肢節柔和，意其淨業成就，常住寂光矣。道俗奔唁，咸共驚惜，將樹碑於寺，旌其遺德。嗚呼！先生之來，孜孜以宏法脩福爲業，於京師佛法之興衰消長，所關尤多，而哲人逝往，不得究竟大業，有至慨焉。先生脩福之餘，持誦无輟，主講北京大學中國大學，衆皆悅悟。

維喬

以時勸請，宣說唯識，名賢學士，來預講席者，莫不欽仰先生，嘗謂唯識一宗，最盛於唐，自後樊基古箬，不傳本國，道緒中寢，明代諸師，間多誤解，所差毫釐，謬以千里，於是原本基師唯識述記，爲成唯識論提要十卷，百法明門論淺說一卷，八識規矩淺說一卷，又印度哲學二卷，心經淺說一卷，其勤勞如此，嗚呼，先生所謂篤志興福，重道忘身者耶，配吳夫人，子二人，治禮，高等小學畢業，居家力田，供養其母，治民，現肄業唐山交通大學，孫孝基，治禮出。

成唯識論提要

蔡元培題

